

金
石
萃
編

金石萃編卷一百三十四

賜進士出身 誥授光祿大夫刑部右侍郎加七級王昶謨

宋十二

重修北嶽廟記

碑高一丈二尺一寸廣六尺二寸六分二
十二行行四十六字正書篆額在曲陽縣

大宋重修北嶽廟記

推誠保德功臣資政殿大學士光祿大夫行給事中
充定州路都部署兼安撫使兼知定州軍州事及管
內制置營田勸農使上柱國南陽郡開國公食邑二
千戶食實封肆伯戶韓琦撰并書

金不... 卷一百三十四
朝奉郎太常博士通判定州軍州兼制置營田及管
內勸農事上騎都尉借緋錢貽範篆額

天下之嶽五獨北之常方人目爲大茂山而嶽名不著
嶽有祠不知廢于何代今廟于曲陽縣之西附城距嶽
百餘里考有唐以來記刻皆不載廢遷之由故非質于
圖志人或不知嶽之所在焉於禮祀莫大于天地而五
嶽次之古者天口壇以祀四望若時巡至其所旣柴然
後秩而望祀之廟而祭焉非古也其後世之文乎然則
爲之者誠有意焉耳夫嶄然而石切然而谷泉焉而衆
派別林焉而萬幹擢嶽之形也倏霽忽冥伏珍見祥喜

焉而風雨時怒焉而雷電發獄之神也人狎其形而易之也薪于是改于是安知其所以爲神哉君人者患民之不知也於是廟而像之以警民之耳目致其嚴奉之心使違禍而趨福雖文于古其於教也固明明矣若其視祭之品則三代以降皆以公有唐以王 我朝

撫有天下馴致太平

真宗皇帝紹

祖宗之

隆以建皇極封泰山祀后土曠絕之禮無所不講由是尊五嶽而帝之復以安天躋聖之號表于 我神懼

世人之未詳也又

製奉神述以明之蓋愛民之

意深則報神之禮重斯誠也雖萬世可知矣故廟宮之

帝崇飭宏大惟禮之稱著于定令以時繕修歷季既長
吏職廢忽日風月雨以圯以漏功大費廣久焉不葺每
歲立冬

天子以所署祝冊就遣守臣以祇祀事
至則羅其邊豆洗酌之具與執事者升降於頽詹壞廡
之間退而安然因以爲恤慢神瀆禮莫斯爲甚慶應八
年夏六月琦獲領州事得居

嶽鎮之下知廟之

未完也由市材弗給役徒弗充而民罹水災歲以大歎
凡厥用度弗敢爲擾會有

詔毀鄉民之擅爲佛

祠者得取其材以濟之益兵暨工責成于邑吏而曠時
不集通判軍州事屯田員外郎游君開謹於其事願盡

力焉率其縣主簿李奕留廟所百餘日悅使其衆而已
焉弗懈於是敝陋朽燒之迹煥然一新又於其庭起土
民薦獻之宇俾勿喪于

神而

神益以尊

彩繪塗墍罔不精極且

神之喜胥蠻來宅皇祐

元季冬十月九日以訖功來告僚屬請以鄙文志于廟
石而弗克讓夫吏之爲政也有善惡焉神之爲監也有
禍福焉善焉而以福惡焉而以禍神理之宜也或反是
焉則非人之所知矣守臣當謹

天子之命而治

神之居黎

神之祀修己以愛其民人唯

神之所以禍福而已謹記

皇祐二季正月十九日立

常山郭慶諫刻字

碑陰

碑陰作三截書上十一行中九行下七行每行字數
十至三十六不等又題名二其一韓燾左行並正書

皇祐元年冬十月九日重修

嶽祠功畢既勒

文以謹其事乃列將佐官屬名氏于石陰庶永後觀
文林郎守美州武邑縣令管勾定州路安撫司機宜
文字陳薦

入內內侍省內侍高品真定府定州等路走馬承受

公事謝禹珪

西頭供奉官眞定府定州等路走馬承受公事陳

有方

供備庫副使定州路駐泊兵馬都監趙 滋

供備庫副使定州路駐泊兵馬都監張 傑

西染院使資州刺史定州路駐泊兵馬鈐轄張 忠

北作坊使綿州團練使內侍省內侍右班副都知定

州路駐泊兵馬鈐轄任 守忠

侍衛親軍馬軍副都指揮使保太軍節度觀察留後

定州路駐泊馬步軍副都部署狄 青

順安軍判官將仕郎試秘書省校書郎權節度推官

公事仇 公綽

莫州防禦推官將仕郎試秘書省校書郎權觀察推
官周 革

節度推官承奉郎試大理評事劉 循

將仕郎試秘書省校書郎權節度掌書記馬 良器

內殿崇班定州兵馬都監兼在城巡檢劉 斌

內殿崇班定州兵馬都監兼在城巡檢劉 宜孫

內殿崇班定州駐泊兵馬都監石 宗閔

朝奉郎太常博士通判定州軍州兼制置營田及管

內勸農事上騎都尉借緋錢 貽範

朝奉郎尚書屯田員外郎通判定州軍州兼制置管
田及管内勸農事騎都尉賜緋魚袋游 開

將仕郎守曲陽縣尉盧 至堅

將仕郎守曲陽縣主簿李 奕

左班殿直知曲陽縣事兼兵馬監押口 昭

文林郎守司法參軍房 士安

將仕郎守司戶參軍裴 士諤

登仕郎守司理參軍趙 諮

承奉郎守錄事參軍曹 盡忠

太常博士簽書節度判官廳公事徐攞累謁

祠下元豐庚申秋八月晦題 男韶美侍行

安陽韓跋元豐六年仲冬知成德軍棗城縣得替已

嘗恭謁 祠下今復自祁之鼓城解官再遂瞻

拜連治二邑皆獲善罷者荷 陰佑之所賜也

元祐二年十一月二十七日

北嶽廟在曲陽中有一白石梁相傳云是舜時從嶽

飛至者因祀于此其說迂誕不可信然古樹道竦有

二塑鬼奇甚皆千年外物碑刻亦稱是魏公所書全

法顏平原而時時露柳骨鐸距四出令人不可正視

公之受遺二世以身係輕重此亦可窺一斑矣并州人

稿

按文獻通考慶歷八年詔置河北四路安撫以韓琦
王拱辰賈昌朝等充諸路使四路謂魏瀛鎮定四州
也定州置安撫蓋昉於此宋初節度使領馬步軍都
部署其後守臣帶一路安撫使者皆帶馬步軍都部
署故有帥臣之稱英宗以後避御名改爲都總管宋
史職官志定州兼安撫使馬步軍都總管據後改名
書之也此碑結銜內已有制置之名而馬端臨謂安
撫帶制置自建炎三年浙西康允之始攷之似未審

矣

酒研堂金石文跋尾

按此碑皇祐二年韓琦知定州重修北嶽廟工竣而撰書刻石以紀也史傳琦字稚圭相州安陽人累以資政殿學士知揚州徙鄆州成德軍定州兼安撫使進大學士碑系銜有行給事中爲傳所略皇朝事實類苑載魏公書作閣古堂自爲記刻于石後人又畫魏公像於堂上此亦其知定州時事也篆額者錢貽範無傳文云天下之嶽五獨北之常常卽恒也避真宗諱用常字碑陰列定州官屬二十四人內有傳可攷者陳薦字彥升邢州沙河人舉進士爲華陽尉從韓琦定州河東幕府而不

載其守冀州武邑縣令傳略之也趙滋字子深開
封人韓琦經略陝西舉滋可將領得閤門祇候爲
鎮戎軍西路都巡檢後爲京東東路都巡檢在京
東五年數獲盜不自言富弼爲言乃自東頭供奉
官超授供備庫副使定州路駐泊都監張忠字聖
毗開封人仁宗卽位遷天武左第三指揮使融州
刺史改潮州齊州團練使擢滄州本路鈐轄徙澶
州總管與碑系街不合疑別一人任守忠見宦者
傳字稷臣由蔭入內黃門仁宗親政西鄙用兵爲
秦鳳涇原路駐泊都監以功再遷東染院使內侍

押班出爲定州鈐轄加內侍副都知碑系銜北作坊使綿州團練使傳所不載狄青字漢臣汾州西河人仁宗時徙真定路副都總管歷侍衛步軍殿前都虞候眉州防禦使遷步軍副都指揮使保大安遠二軍節度觀察畱後又遷馬軍副都指揮使與碑亦互有詳略劉斌史孝義傳有其人是報父仇稱孝者與碑別一人餘俱無攷

傅應法師行狀

碑高七尺八寸廣三尺八寸三十四行行七十三字
正書碑陰盡圓額題終南山上清太平宮之圖十字
正書在
蓋匠

聖
宋傅應大瀆師行狀

法師姓張氏諱守真字悟元後漢三萁正一扶教大法
師迺丞相留侯六代孫法師卽子房之遠裔真嗣曼延
不常厥居今爲整屋人也瀆師幼孤及長氣誼過人言
行相顧不交權豪篤濟物之心逮壯嘗遊終南山遇

上聖空中降曰吾北天大聖

玉帝輔臣授

命衛時乘龍降查匪正直英傑之士无以振古道汝有
異骨殆非凡庶夙叶真教可受吾教法師口口聖語口
口口事口還口呂輩茹共記

真君曰吾迺死真

非竒口至于口口口口口汝安得輒用腥穢然汝未

晤固不加舉可□□□□□□汝至誠□□□□□□
□□□□□□□□□□者□加□罰法師乃寅恭致
謝復啓曰守真聞在男曰巫在女曰覡□□□□□□
大丈夫之所恥願聞丕訓 真君曰□教汝勿瀆爲

民除祆次指汝□□□□□□國祈福□□□□□□
□□巫覡哉後□□□□蒸民災苦祈請者靡不赴之斬
邪去□一□□□□□自是不復爲患 真君降

曰吾運化

本朝第二主將建元闕置十一座殿宇

列中外界星辰□國□□□□□□□□□□汝發
運必受 大君禮遇法師稱謝曰□□□□□□

君曰吾爲天上師汝須得人閒師法師迺詣古樓觀主
梁口門下朝真叩靈口月中口口口口法師於古終
南縣私第翫搆北帝宮塑真君聖像自是口遠
從口者口奔走求口日聞神異故時人呼法師爲通靈
先生張黑殺開寶口年太祖皇帝口口口口口口
口口口口馳驛口是年十月三日赴命越十日口口
東都趨文陛天子被口百辟別敘法師對敷神
氣自若左右爲之動容上詢遇真君神異事
法師具對口口口口口口口口口口口口口口口口
口謂法師曰

真君降言有類此乎對曰若陛下不之信棄臣市

可驗無目人聲孛孛

上聖

帝然之曰果正

直之口卽日詔龜建隆觀十九日

太祖上僊二

十一日

太宗皇帝嗣統命法師瓊林苑醮謝

上帝結壇施酒至誠幽贊潛通穹昊

真君降曰

大宋宗社口永時

太宗伺午夜秘殿底誠稽首再捧謝曰仰賴

上真

福浸生靈誓當修奉禮畢口口師西歸至太平興國二
年春命起居舍人王龜從內供奉王守節赴終南山慎
選勝基構立上清太平宮衆議未決嘗

真

君降曰北帝宮甫近可建殊庭繇是以定良材雲口口

口風从迨三周歲始僭厥功顯符真誥幽敕法師尸之
及賜縣官邸店越數百楹旬日利以充費法師前後錫
資咸賈易創田園不啻萬疇立爲常住其經營後在弗
匱者實法師之力焉 宣命給卒百人供法師驅

役當時輅車沓至士俗響臻法師屋禮以延之迄今通
爲永式三年冬十月修祝 聖壽之儀恭趨

象魏再親咫尺 帝旨高尙禮之賜紫口口簡於

舖座前游被隆恩復之攸館六年十月御前賜師號曰
崇靈大師七年春正月入內高品盧文壽 中

悃委本宮祈禱用安宗社樂康兆民法師設普天大醮

威儀具陳寔非常 眞君降靈迺錄感應聞奏

上知社稷有賴尤加虔奉雍熙中

朝廷

以口口口遞遣中貴麥守恩傳

天憲命法師昭

告曰卜祺祥遂肩羅瓦大醮口意獨絜愈于常度升聞

晁旒及犬戎束手河朔怙然太史奏五福太一

臨吳分請修其祠

敕京城東南隅翔靈宇以

宅之亟召法師醮請太一眞君

上謂曰非卿何

以感通神化祀畢而還淳化五年冬被制授鳳翔府管

內道正蓋尊嚴其教也

皇朝凡七祀園工必詔

法師尊從

漢駕口都人跣踵仰瞻

大聖人遇法師殊常之禮實前古之罕聞俾還本宮
告謝釋儀慶事

國史詳焉當時水旱災沴靡不
修禱式昭景貺則知法師是

清世應運之士也

故得福廡一方慕勝道口服膺徒弟常不減數百法師
威而不猛有摠領均平之漻救寧上下無敢違越豈非
懿德之淵源乎至于夙夜寅奉香燈諸殿朝祀越二十
年雖風雨不渝法師象簡執成指痕斯乃勤至之驗也
法師凡爲國家設二百餘醮修三百餘齋授宣敕三十
餘道居一日名門人謂曰吾有誅翦怪魅之功而虧修
鍊飛昇之妙奈何五行更王大數告窮胡能免於形謝

哉然而質雖遷殞神自有歸

上帝錄吾及物之

勲已領符命授五土之主汝等必能恢繼教風天弗違
願遽命蘭湯日三浴徐飲清泉斗餘易衣啓示手足以
至道二年閏七月十六日委蛻而化享年六十有六時
天地晦冥大雨三日於別墅權厝後復雨三日法師重
修古迹宮觀有三鋪敎飛奏各賜名額噶昔未遇有子
曰元濟業進士法師朝覲奏名敕賜同學究出身遂調
選錄法師行狀以聞奉聖旨批付史官布衣

張濤集事跡門人刻石立于真堂之右

弟子二十一人

賜紫劉元載

張元明

元元

德 滕元勝 李元亨 李元輔 趙元正 王元

秘 段元素 李元清 李元白 張元宗 程元

亮 劉元吉 姜善信 李善應 許善能 強善

宗 趙善抱 楊善和 李善結 杜振塑 真像

李楚裝 咸平二年六月二十七日立石

夫立善功衆大名雖骨命所鍾誠明彰著然亦由志行
修蘊天心協應力行聖教而不泯者則 傳應大

法師其人也法師以景德二年八月中自別墅遷葬於
書臺鄉郭塚社祥符七年 敕加翊聖將軍曰

翊聖保德真君 法師舊號崇輝大師

今上乘錄嘗閱琅函因覽

翊聖傳記頗動

睿念景祐中降

制書加號傳應大法師

司竹殿直張君簡每瞻禮

法師真像欽歎久之

嘗謂人曰法師風貌瓌異真神明之標表故得民到于
今稱之法師善功美實刻石存焉張君覽之曰石剝字
缺文誼訛舛使逸之人曷以披現茂實者哉惜乎季祀
寤遠幾至湮滅具白主者願錄舊文命工重刊庶幾不
朽張君自出奉金以賞其費精求翠製果成厥志識者
嘉之 監官都官郎楊公通儒英特聞而溢美曰是
贊成實有力焉前守寧州定安縣主簿周郁後序及書

家

師孫大人 住持延生觀賜紫闕知白 住持資聖

官賜紫張知常 住持順天興國觀賜紫強德安

內住持順天興國觀賜紫王全矩 劉知道劉全穆

住持資聖官賜紫蘇宗晏 上清太平宮副宮主賜

紫尋宗觀 上清太平宮主凝和大師賜紫劉子翔

三班借職監鳳翔府清平鎮酒稅務劉惟滋

朝散大夫尚書都官郎中監鳳翔府上清太平宮兼

兵馬都監輕車都尉賜緋魚袋楊中和

皇祐二禩上章攝提格夏五月二十有五日本重建

安定郡梁志刻

江寧崇教寺辟支佛塔記

石高二尺五寸五分廣二尺三寸一分十九行行二十六字正書在江寧

聖宋江寧府江寧縣牛首山崇教寺辟支佛塔記

顧清書

牛首雙峯高插雲漢寔金陵之巨屏東夏之福地林樹葱鬱泉石相映聖賢大士多所棲宅故 宋明帝

嘗問道林誌云牛首有何神聖曰文殊領一萬菩薩冬居於此又辟支迦入定之所即稱爲佛窟寺上有巖洞幽澹磅礴中鑿真隱世傳辟支宴坐之洞也西竺曰辟

支迦唐去緣覺因觀十二因緣而覺性明悟又云獨覺
觀四時之凋變知諸識之何依无師自悟稱之獨覺其
或靈山隱秀名洞棲真因其所居卽爲化境矣若夫道
之汚隆地有興替得其盛者繫於人焉當寺自天聖年
中有僧德銓戮力自效遍募擅信欲於山頂建造塔
以標勝跡歲月茲久工力未就乃有 府城信人高

懷義嘆之因循慨其湮沒遂集衆力同而成之卽於洞
前按圖定址審曲面勢下葬舍利上建塔塔惣高四丈
五尺中安辟支佛夾苧像一軀粹容儼若寶塔高妙瞻
者覩者罔不發菩提心耶噫人之生以寒暑之勞朝營

夕謀豐衣厚食不啻一善至於齒髡髮華乾沒于世者
有之矣若 高氏生能構斯善鳩舉衆類建是塔作

是緣鎮此名藍標于勝槩是不朽之矣長干圓照大師
普莊因覩斯善合掌讚嘆云爾皇祐二年歲次庚寅春
三月三日起工八月望日落成後三日謹記

興塔僧德銓 殿主僧德勤 維那僧德誠 寺主

僧處真

李整刊

右崇教寺辟支佛塔記長干圓照大師普莊爲文都
元敬遊牛首山記謂不著撰人者攷之未審爾碑書
插爲插瀆爲瀆无爲无皆宋時俗體

橋研堂金石文跋尾

重修仙鶴觀記

碑連額高六尺八寸廣三尺一寸五分二十
行行四十五字正書篆額在偃師縣黨氏鎮

重修仙鶴觀記

前進士河南王夷仲撰

○老之法要其所歸惟清淨寂滅全自然之性不以外
物廢於中者也○老之法也遷史叙老子○
又傳記有說老子○城而始爲○圖者所以其書相
出入轍雖異而其歸一也其法牙於漢募於晉魏梁隋
之間後○欲○道之相勝也則○者必忌於老老者必
疾於○迭攻交毀歧而二焉然○之宮遍處天下竦然

相望鮮華偉壯莫□□加其徒豐衣白食幾中夏四民
之□傾奉之心猶慊慊然患不能穹隆極侈以充其志
也老之居雖通都□邑□□一二垣頽屋敗僅有存者
其徒常汲汲於蚤暮間且猶不克自資於溫飽也嗚呼
彼何盛而此何衰邪豈□之者能恢張其說謂極天之
上而上際地之下而下洎人之死生去來貴賤壽夭凡
生民之□惡欲莫不畢出於□而主之焉是以鼓動群
衆使趨向之如走號令雖四海九州之外莫不一其心
也老之法有羽化□□馭役鬼神移變星文之休咎□
於禴禴厭伏之事□雄偉大苟奉而有之豈少哉蓋□

者衆而老者寡□□之人隨時趣舍向於後而忽於此也故□治老之官者非奉道薦信之士不可成已縱氏縣前記有周靈王太子晉控鶴昇仙之事故城東三里有仙鶴觀者得号於李唐間年祀淺遠屋□因廢慶曆中里中之樂善者凡數十人相與歎曰是觀且廢今不能復之則何以使人瞻仰信奉以漸於善乎乃卜地得縣署之□□□百步□於縣大夫奚君□爲請命於府曰可得道士左慶之清苦者也使居且□□□年觀之門牆殿宇□廢之一□□吾□□曰爲是觀也用非蠹於民而積丐其微以足其頃假非擅而作蓋卽曾

号而起其廢功非逾乎制而□□庇其像請文勒石以
章興修之志於後予謂蠹於民擅於役逾於制者皆過
也今無一焉惡得不爲之書乎哉
大宋皇祐二

年九月乙酉記

觀主賜紫左慶之立石

將仕郎守河南府緱氏縣丞張昭爽

將仕郎守河南府緱氏縣主簿劉丕

口班殿直監西京緱氏縣鹽酒稅孟延亨書并篆額
禮部員外郎知河南府緱氏縣事上輕車都尉賜緋

魚袋路綸

億按宋史言宋初內外所授官名非本職唯以差遣

爲資歷建隆四年詔選朝士分治劇邑大理正奚嶼

知館陶監察御史王佑知魏揚應夢知永濟屯田員

外于繼徽知臨清常參官宰縣自此始日知錄引又于慎

行筆塵云宋時大縣四千戶以上選朝官知小縣三

千戶以下選京官知故知縣與縣令不同以京朝官

之銜知某縣事非外吏也然則今碑題銜禮部員外

郎知河南府緱氏縣事正以朝官爲之蓋緱氏於宋

爲畿縣其地繁劇故知縣事者每重其人也僱師金石錄

重修仙鶴觀實錄

石高四尺九寸廣三尺一寸十八行行廿一字正書

武威安道卿書

緱氏縣郭下燈油醮社故比部郎中孫劉荀等經縣陳狀請到東京上清宮賜紫道士左慶之充仙鶴觀主焚修住持開排施主如後

郭下安中素捨施地基二十八畝三分係正稅絹七尺外別無青苗稅數亦無官私地課

郭下女弟子董氏獨辦修蓋正殿一坐

郭下女弟子閻氏獨辦塑老君并部從等

郭下韓宗正施造老君專坐一所

郭下王居安自辦材木修道堂一坐

郭下田父裝土地里域真官兼造堂一所

左慶之與醮社等同共修真武殿一坐并門樓了當

醮社人李元吉 高士元 王 父 梁 熙

李從政 李仕誠 李居正 李道真

張士元 李舜德 李仕簡 李 義

此仙鶴觀元在縣東三里已來年代深遠倒塌荒廢至
大宋慶曆六年三月中依本縣圖經內名額重修

皇祐二年庚寅歲九月乙酉建安中素施石

東平康垣刻字

億按宋史王安石傳及食貨志青苗法自王安石始
立在神宗時今碑陰記云施地基二十八畝三分係
正稅絹七尺外別無青苗稅數碑之建當仁宗皇祐
二年已有此做法疑不可曉也或未變法以前課稅
內已立青苗名目安石因倣而行之輸歛倍甚民始
重困耳然則青苗名稅所起久矣又碑言燈油鹽社
今鄉人猶於諸寺廟供燈立社亦其遺俗也儂師金
石錄

按宋史食貨志仁宗之世契丹增幣夏國增賜養
兵兩陲費累百萬然帝性恭儉寡慾故取民之制
不至掎克神宗欲伸中國之威革前代之弊王安

石之流進售其強兵富國之術而青苗保甲之令
行民始罹其害矣又檢李叅傳叅歷知興元府淮
南京西陝西轉運使部多戍兵苦食少叅審訂其
關令民自隱度麥粟之贏先貸以錢俟穀熟還之
官號青苗錢經數年廉有羨糧熙寧青苗法蓋萌
於此矣此傳可爲仁宗時已行青苗之証蓋叅行
之祇以贖兵而王安石行之遂爲厲民之政矣

復唯識解院記

碑連額高九尺三寸廣三尺六寸四分十
四行行三十十字并額俱正書在藍田縣

予九月自扈之藍田宿道傍寺問其名曰唯識口洪渠

曰五代時石識存焉按其刻曰龍泉寺

國初更名

義井遂以故廢逮開寶九年通唯識論口志興卽其地廬之乃號唯識院慶曆初西方用兵詔寺不及三

十室者皆毀至是院又廢後五年

月言者陝以西

寺毀而今願復宜勿禁故洪集實力之其費出於民姚氏嘗七人洪集有口行且老誦經回常一飯環其地數鄰之人趨信之蓋如歸姚氏七人非巨家耐得其不顧吝而洪集无寒暑奔走能勿懈故其室不侯久而成凡爲屋曰殿曰堂曰厨曰門曰閣嘗八區三十有式楹皆壯宏可觀噫儒口口未嘗爲尺寸地雖童子不肯轉屈

日 國家嘗詔四方郡無小大皆立學本古庠序之
法以爲教甫一年學不幸而廢 死下士反無式言復之
者今唯議再毀矣皆不幾口而復其不顧者有若七人
者其勿懈有若洪集嘗其請而勿禁有若言口是儒果
出口口甚遠也儒之人眎唯識豈獨不口越明季五月
院成洪集自始末徠乞余言遂書之且以見其心之恥
云昔皇祐三年也豫章黃口記琅邪口口无書朱太華
鄭口口題額蘭陵口大雅立石 張遵刻

唯識解院者藍田故龍泉寺也有洪集者與姚氏共
復之而爲之碑碑文寥落耳書或正或行或草或兼

一二筆小篆分隸其草又時作渴筆極奇怪道倖似
魯公誠縣而時復出入但記者爲豫章黃口闕其名
書者爲瑯琊口口元闕其姓名二字題額者爲鄭口
口闕其名立石者爲口大雅闕其姓諸人名姓無一
全者獨刻者張遊姓名亡恙人固有幸不幸哉

石墨
鐫華

復唯識解院記豫章黃庶誤庶字亞夫宋時人其文

載伐檀集中

觀妙齋金
石攷略

按碑云五代時石刻曰龍泉寺國初更名義井後
乃號唯龍院今檢陝西通志藍田縣不載此寺蓋
頽廢久矣豫章黃庶者山谷之父也字亞夫分寧

人慶歷二年進士歷一府三州從事尋康州所著
詩文名伐檀集宋史黃庭堅傳不附載

岱嶽觀題名四段

宋禧題名

石橫廣一尺四寸高六寸四分八行行五六字不等行書

轉運使尚書工部郎中宋禧因巡歷遊岱嶽觀皇祐四
年三月二十有二日題時奉符宰殿省丞張周偕行

又

石橫廣一尺四寸高六寸二分九行行七八字不等正書

州從事李陟因幹事至邑率巡山供奉何懷智前巡山
侍禁李安龔丘簿胡稷臣符離進士張瑛口口時皇祐
壬辰歲仲夏月十有一日陟題石 觀主王歸德 道

全石表續卷一百三十四
三
士李若清

又石高四尺五寸廣三尺
五行每行九字正書

皇祐六年甲午歲正月廿一日尚書職方員外郎知永
州柳拱辰同尚書駕部郎中分司周世南祁陽縣令齊
術遊此

又記刻在唐岱嶽觀造像碑側之上截
七行行四字五字不等行書左行

長清董元康樞宰奉高受代將歸同王彥文遊政和甲
午重九日崇道繼至

張遵等峴首題名二段

此刻未詳是何碑側高九尺一寸廣一尺
三分上下截書上截四行行二十字

京西提點刑獄尙書職方員外郎張遵同提點刑獄東
頭供奉官閤門祗候康遵度因按部經峴首登賞焉尙
書七田員外郎通判襄州黃孝立太常博士知襄陽縣
事王嘉錫偕從皇祐癸巳重九日嘉錫題記

又四行行九字此卽刻在
皇祐癸巳張遵題名下

太守孫頌景脩同湘南運使苗時中子居運判唐義問
君益遊此熙寧丙辰仲春十六日

李叅等草堂寺題名

石高一尺五寸廣一尺八行行十三字
十六字不等左行行書在鳳翔府郿縣

淮南江浙荆湖等路都大制置發運使尙書司封郎中

李叅清臣與尙書都官員外郎通判鳳州母沆清臣著作佐郎知鄆縣郭霖君肅新知萬年劉顛景清大理寺丞前知保定步翔新知萍鄉王宗元元之同州司士嚴振伯起及弟衛尉丞泳道淵同遊皇祐甲午上巳日

此鳳翔題名也不知刻于何地後題皇祐甲午上巳亦不知何人之筆綽有筋骨法似顏柳最爲合作

快事

按陝西通志草堂寺在鄆縣東南四十里圭峯下後秦西僧鳩摩羅什譯經之處唐改棲禪寺卽所謂草堂寺也鳩摩羅什自西竺來爾時未有寺爲

樹草堂譯經其中其後建寺始定今名而俗猶呼
草堂寺云題名七人惟李參有傳云字清臣鄆州
須城人但載其歷知興元府淮南京西陝西轉運
使與題名之所載淮南江浙荆湖等路都大制置
發運使尙書司封郎中者不同末題皇祐甲午上
巳日是年四月朔改元至和三月尙是皇祐六年
也

京兆府小學規

碑連額高七尺二寸四分廣三尺八寸五分作四
歲書各十八行行七字正書篆額在西安府學

鄉貢進士裴穆書

大理寺丞簽署觀察判官廳公事專管勾府學李經
篆額

府學 榜准 使帖指揮族 宣聖廟內置立小學所
有合行事件額專指揮

一應生徒入小學並額先見教授投家狀并本家尊屬
保狀其保狀內須聲說情願令男或弟姪之類入小學
小學聽讀委得令某甲一依學內規矩施行

官押署後上簿拘管

一核生徒內選差學長二人至四人傳授諸生藝業及
點檢過犯

一教授每日講說經書三兩帙投諸生所誦經書文句

音義題所學書字樣出所課詩賦題目撰所對屬詩句
擇所記故事

一諸生學課分爲三等

第一等

每日抽籤問所聽經義三道念書一二百字學書十行
吟五七言古律詩一首三日試賦一首或四韻看賦一道

看史傳三五內記故事三條

第二等

每日念書約一百字學書十行吟詩一絕對屬一聯念
賦二韻記故事一件

第三等

每日念書五七十字學書十行念詩一首

一應生徒有過犯竝量事大小行罰季十五以下行扑撻之法季十五以上罰錢充學內公用仍令學長上簿學官教授通押

行止踰違盜博闕訟不告出入毀棄書籍畫書牆壁損壞器物互相往來課試不了戲玩誼諱

一應生徒依府學規歲時給假各有日限如妄求假告及請假違限竝關報本家尊屬仍依例行罰

右事須給榜小學告示各令知委

以前件如前

至和元年四月日

權府學教授蒲宗孟

府學說書兼教授裴演

祕書丞通判軍府兼管內勸農事提舉府學韓繹

尚書比部員外郎通判軍府兼管內勸農事提舉府

學薛休

忠武軍節度使特進檢校太尉知軍府事文

本學教授兼說書草澤任民師

三峯進士李邵管句立石 豐邑樊仲刻

右京兆府小學規後題忠武軍節度使特進檢校太尉知軍府事文而不名者潞公彥博也潞公以前宰相知府事故題銜較通判以下特大而不署名凡節度使必帶檢校官宋史彥博傳不云檢校太尉者略之也宋史職官志慶歷四年始置教授委運司及長吏於幕職州縣內薦或本處舉人有德藝者充蓋其時諸州教授皆由本路薦辟不奉朝旨故胡瑗教授蘇州不見於本傳據此碑補宗孟嘗爲京兆府教授本傳亦未之及也宋時有崇政殿說書及王府說書據此則府學亦有說書矣裴珍書學顏清臣而得

其形似其書於作於則它碑無之

潘研堂金石文跋尾

按宋史地理志京兆郡永興軍節度使本次府大觀元年升大都督府舊領永興軍路安撫使宣和二年詔永興軍守臣等銜不用軍額稱京兆府然則永興軍之直稱京兆府始于宣和二年卽升大都督府亦在大觀元年据此碑則至和元年已稱京兆府矣蓋沿唐之舊也永興軍之建立府學始于景祐元年知軍范雍奏請中書門下有牒有刻石學中碑已見前此是小學生徒三等有年十五歲以下者未知與彼碑所載之修業進士一百

三十七人同在學否也書碑裴珍篆額李凝俱無
攷年月後列銜有權府學教授有說書兼教授而
又有教授兼說書有提舉府學者二人其知軍府
事特以其尊而臨之也蒲宗孟史傳字傳正閩州

新井人第進士調夔州觀察推官傳載仁宗時祇

此

此下俱英宗時事

其至和元年權教授不知與夔州推

官孰前孰後也韓釋史附見韓億傳億字宗魏由

靈壽徙雍邱八子綱綜絳釋維縝緝緝則釋乃第

四子史無事蹟可攷文彥博累拜同中書門下平

章事集賢殿大學士罷爲觀文殿大學士知許州

改忠武軍節度使知永興軍據李輔表知許州在
皇祐三年十一月至此知永興又越三年矣餘俱
無攷

玉華宮詩

石高三尺六寸廣三尺七寸十行
行十六字正書在坊州宜君縣

溪迴松風長蒼鼠窺古瓦不知何王殿遺構絕壁下陰
房鬼火青壤道哀湍瀉萬竇真笙竽秋色正蕭洒美人
爲黃土况乃粉黛假當時侍金輿故物獨石馬憂來藉
草坐浩歌淚盈把冉冉征途間誰是長季者

宮在坊州宜君縣之西鳳皇谷今季秋予以吏役過

是觀其遺址愴然于懷因記杜子美詩有故物獨石
馬之句求其所謂石馬者蓋無得焉豈事益遠者其
跡益混而無存邪遂刻杜詩于宮西之玉華寺俾來
者觀之口口口焉時至和元季八月二十日也中郎
縣主簿李元瑜題

按唐書地理志玉華宮在坊州宜君縣北四里鳳
凰谷貞觀二十年置永徽二年廢爲寺冊府元龜
云太宗建玉華宮正門謂之南風門殿覆瓦餘皆
葺之以茅帝以意在清涼務從儉約匠人以爲層
崑峻谷元覽遠長於是疏泉抗殿包山通苑皇太

子所居南風門之東正門謂之嘉禮門殿名暉和
殿其官曹署寺並皆創立徵事營造庶物亦擾而
取供而折番和偃之費以鉅億計矣及帝遊幸勅
奉御王孝積於顯道門內起紫微殿十三間文號
重基高敞宏壯帝見之甚悅據此則玉華宮之規
模壯麗如此自貞觀二十年至永徽二年僅逾六
年雖廢爲寺而官殿之制不改也自永徽二年至
杜少陵賦詩時相距百年而詩中已有不知何王
殿之語似乎玉華宮名已不可問者又云蒼鼠竄
古瓦陰房鬼火青則寺宇尚存但人迹闕寂耳至

此碑之刻在宋至和初又閱三百年宜乎但有遺址存并石馬俱不可攷矣李元瑜以中部主簿愴然于愼刻杜詩以表遺蹟可謂賢薄矣惜無傳可考又其記未將興建之盛著於篇特詳識之

零陵縣朝陽巖題名六段

石橫廣三尺三寸高二尺
二寸八行行七字正書

尚書職方員外郎知永州柳拱辰禮賓副使湖南同提
點刑獄李用和尚書比部員外郎通判永州尹瞻至和
二年乙未九月四日游此朝陽巖

又高五尺七寸廣二尺三行中
三大字左右年月人名正書

朝陽巖 嘉祐五年二月五日張子諒書盧臧題記

又高三尺六寸廣一尺六寸
五行行十四字正書

荆湖南路提點刑獄公事尙書職方郎中程潛治之尙
書虞部郎中知軍州事鞠拯道濟尙書比部員外郎通
判軍州事周惇頤茂叔治平三年十二月十二日同遊
永州朝陽洞

又高廣均一尺五寸
六行行六字正書

臨川劉蒙資明原武邢恕和叔河東安惇處厚元祐七
年九月二十一日泛舟渡江同遊朝陽巖

又橫廣三尺二寸高三尺一
寸六行行九十字正書

主郡吏南昌黃彪彪父暇日携子俛棧澁榮華楛莖遊
朝陽巖摩拂蒼崖觀伯父太史題刻歎慨久之表姪九
江夏孝章同來乾道辛卯百五日

又

四行行十四十六字行
書此刻在黃彪之左

零陵令君王淮伯清慶元庚申歲閏口月廿有二日招
北嶽王沆叔甫桐鄉口致祥和之過水西憩火星巖淪
茗石上口飲朝陽洞竟日乃還男荷侍行致祥敬題

按湖南通志朝陽巖在零陵縣西南三里唐元結
銘序自春陵至零陵愛其郭中有水石之異泊舟
尋之得巖與洞以其東向遂以命之明一統志在

零陵縣西瀟江之澚巖有洞澗自中流出入湘零
陵縣志一名流香洞有石淙源自羣玉山伏流出
巖腹氣如蘭蕙從右上瀉入綠潭洞門左右有石
壁黃山谷題名鏤其上巖後有祠祀唐宋謫官蓋
朝陽巖距城不遠凡遊華巖澹山巖者必先經
朝陽巖此題名六段其中如柳拱辰張子諒盧臧
周惇頤諸人皆已見澹山巖題名者餘如邢恕見
宋史姦臣傳字和叔鄭州陽武人哲宗立累遷右
司員外郎起居舍人坐黜知隨州改汝襲河陽再
責監永州酒此題卽監酒時也安惇亦見姦臣傳

字處厚廣安軍人上舍及第調成都府教授擢監察御史哲宗初罷爲利州路轉運判官歷夔州湖北江東三路是在元祐中未嘗官永州不知何以得與邢恕同游或者嘗官於此而史脫略耳主郡吏南昌黃彪當是山谷之姪題云觀伯父太史題刻者卽指洞門左右石壁山谷題名也今山谷題名已失搨矣零陵令君王淮字伯清宋史有王淮傳字季海婺州金華人歷仕高孝二朝未嘗令零陵則別一人也題云過水西憩火星巖方輿勝覽火星巖在永州西江外地勝景清爲零陵最奇絕

處零陵縣志巖在羣玉山之側明嘉靖中改名德
星巖餘俱無攷

范文正公神道碑

碑高一丈二尺四寸二分廣五尺七
寸三十行行七十二字隸書在洛陽

宋推誠保德功臣資政殿學士金紫光祿大夫尙書
戶部侍郎護軍汝南郡開國公食邑二千三百戶食
實封陸伯戶贈兵部尙書謚文正公口公神道碑銘
井序

翰林學士尙書吏部郎中知制誥充下

翰林學士兼侍言尙書吏部口口口口口口口口

王洙書

皇祐四年五月甲子資政殿學士尚書戶部侍郎汝南
文正公薨于徐州以其年十有二月壬申葬于河南尹
樊里之萬安山下公諱仲淹字希文五代之際世家蘇
州事吳越太宗皇帝時吳越獻其地公之皇考從

錢俶朝京師後爲武寧軍掌書記以卒公生二歲而孤
母夫人貧無依再適長山朱氏既長知其世家感泣去

之南都入學舍掃壹室晝夜講誦其起居飲食人所不

堪而公自刻益苦居五年大通六經之旨爲文章論說

必本於仁義祥符八年年舉進士禮部選第壹遂中乙科

爲廣德司理參軍始歸迎其母以養及公既貴天

子贈公曾祖

蘇州

糧料判官諱夢齡爲太保祖祕書監

諱贊時爲太傅考諱塽爲太師妣謝氏爲吳國夫人公

少有大節其於富貴貧賤毀譽權戚不一動其心而慨

然有志於天下常自誦曰當先天下之憂而憂後天下

之樂而樂也其事上遇人壹以自信不擇利害爲趨捨

其所有爲必盡其方曰爲之自我者當如是其成與否

有不在我者雖聖賢不能必吾豈苟於天聖中晏丞相

薦公文學以大理寺丞爲祕閣校理以言事忤章獻

太后旨通判河中府陳州久之上記其忠名拜右

司諫當

太后臨朝聽政時以至日大會前殿

上將率百官爲

壽有司已具公上疏

言天子無北面且

開後世弱人主以彊母后漸其事遂已又上書請還政

天子不報及

太后崩言事者希

旨多求

太后時事欲深治之公獨以謂

太后受託

先帝保佑

聖躬

始終十年未見過失宜掩其小故

以全大德初

太后有遺命立楊太妃代爲太后公

諫曰

太后母

諡也

自古無代立者繇是罷其冊命

是歲大旱蝗奉使安

撫東南使還會

郭皇后廢率諫官

御

史伏問爭不能得貶知睦州又徙蘇州歲餘卽拜禮

部員外郎天章閣待制召還益論時政闕失而大臣權

倖多忌惡之居數月以公知開封府開封號難治公治

有聲事日益簡數則益取古今治亂安危爲上開

說又爲百官圖以獻曰任人各以其材而百職修堯舜

之治不遇此也因指其遷進遲速次序曰如此而可以

爲公可以爲私亦不可以不察由是呂丞相怒至交論

上前公求對辯語切坐落職知饒州徙潤州又徙

越州而趙元昊反河西乃以公爲陝西經略安撫副使

遷龍圖閣直學士是時新失大將延州危公請自守鄜

延扞賊乃知延州元昊遣人遺書以求和公以謂無事

請和難信且書有僭號不可以聞乃自爲書告以逆順成敗之說甚辯坐擅復書奪壹官知耀州未逾月徙知

慶州既而四路置帥公爲環慶路經略安撫招討使兵

馬都部署遷諫議大夫樞密直學士公爲將務持重不

急近功小利於延州築清澗城墾營田復承平永平廢

寨熟羌歸業者數萬戶於慶州城大順以要害奪賊

地而耕之又城細腰胡盧於是明珠滅滅等大族皆去

賊爲中國用自邊制久隳至兵與將常不相識公始分

延州兵爲六將訓練齊整諸路皆用以爲瀟公之所在

賊不敢犯人或疑公見敵應變爲如何至其大順也一

且引兵

出

諸將不知所

向至

柔遠始

號令

告其地處使

往築城至於版築之大小畢具而軍中初不知賊以騎
三萬來爭公戒諸將戰而賊走追勿過河已而賊果走
追者不度而河外果有伏賊既失計乃引去於是諸將
皆服公爲不可及公待將吏必使畏凜而愛已所得賜
資皆以

上意分賜諸將使自爲謝諸蕃

質子縱其

出

人無口人逃者蕃酋來見名之卧內屏人徹衛與語

不疑公

居三歲士

勇邊實恩信大洽乃決策謀取橫山

復靈武而元昊數遣使稱臣請和

上亦召公歸矣

初西人藉爲

鄉兵者十數萬既

而黥以爲軍唯公所部

但刺其手公去兵罷獨得復爲

民其於兩

路旣得熟羌

爲用使以守邊因徙屯兵就食內地而紆西人饋輓之

勞

其所設施去而人

德之

與守其

法

不敢變者至今尤

多慶豐三年春召爲樞密副使五讓不許乃就道旣至

數月以爲參知政事每進見必以太平責之公歎曰

上之用

我者至

矣

然事有

先後

而革弊於久安非朝

夕可也旣而上再賜

手詔趣使條天下事又開天

章問召見賜坐授以

紙筆使疏于

前公惶恐避席始退

而條列時所宜先者十數事上之其

謂天下興學

取士

先德行不專文辭革

磨

勸例遷以別

能

否減任子之數

而除濫官用農桑考課守宰等事方施行而磨勘任子

之鴻僥倖之人皆不便因相與騰口而嫉公者亦幸外

有言喜爲之佐佐會邊奏有警公卽請行乃以公爲河

東陝西宣撫使至則上書願復守邊卽拜資政殿學士

知邠州兼陝西四路安撫使其知政事纔壹歲而罷有

司悉奏罷公前所施行而復其故言者以危事中之賴

上察其忠不聽是時夏人已稱臣公因以疾請鄧

州守鄧三歲求知杭州又徙青州公益病又求知潁州

肩昇至徐遂不起享年六十有四方公之病上賜

藥存

問既亮

輟朝壹日以其遺表無所請使就問其家

所欲爲

贈

以兵部尚書所以哀卹之甚厚公爲人外和

內剛樂善汎愛喪其母時尙貧終身非賓客食不重肉

臨財好施意豁如也及退而視其私妻子僅給衣食其

爲政所至民多立祠

畫象

其行臨事自捐紳處士里閭

田野之人外至夷狄莫不知其名字而樂道其事者甚

衆及其世次官爵誌于墓譜于家藏于

有司

者皆不論

著著其繫天下國家之大者亦公之志也歟銘曰

范於吳越世實陪臣倣納山水及其士民范始來北中

間幾息公奮自躬與時偕逢事有罪功言有違從豈公

必能

天子用公其

艱其勞

一其

初終

夏童跳邊

乘

事略及史傳皆云加給事中知杭州再遷戶部侍郎徙青州則碑文漏也公生二歲而孤歐集無公生二字之南都入學舍文鑑作南郡据傳云之應天府依戚同文學則作南都者不誤而文鑑誤也祥符八年舉進士歐集脫土字爲廣德司理叅軍廣德下歐集文鑑事略史傳皆有軍字則碑文脫也其于富貴貧賤集鑑皆無其字當先天下之憂而憂集鑑當字上皆有土字亦碑文脫也通判河中府陳州集鑑皆無陳州二字集原注云一有陳州所謂一有者卽指別本也而不知碑原有之以

至日大會前殿集鑑皆同史傳亦云將以冬至受
朝涑水記聞亦云冬至立仗惟東都事略作元日
弱人主以彊母后漸集鑑漸上皆有之字碑文脫
也又上書請還政鑑與碑同集脫又字告以順逆
成敗之說甚辯鑑脫成字公爲環慶路公字上集
有以字遷諫議大夫遷字上集有累字築清澗城
文鑑同歐集作青澗東都事略及宋史地理志亦
皆作青澗則碑與文鑑訛也復承平永平廢寨事
略史傳文鑑皆同歐集脫永平二字奪賊地而耕
之集鑑皆無此六字集原注云蘇本有之細腰胡

盧傳作胡蘆文鑑訛作胡廬明珠滅滅等大族文
鑑訛作大賊邊制久隳鑑作邊壘至其大順也大
順上集鑑皆有城字碑文脫也至柔遠至字上集
鑑皆有軍字至於版築之大小畢具之字下集鑑
皆有用字亦碑文脫賊既失計集鑑皆無既字集
原注云一有既字諸蕃質子鑑作諸羌公居三歲
集鑑同集原注云蘇家本作二既而黥以爲軍鑑
脫爲字但刺其手鑑同集作但刺其臂上之用我
者至矣集無者字但相與騰口鑑同集騰作滕亦
幸外有言鑑同集脫言字兼陝西四路安撫使鑑

脫四字而復其故言者以危事中之賴上察其忠
不聽是時夏人已稱臣文鑑無故言者至不聽是
止凡十六字似係脫誤又言者下集有遂字危事
集作危言使就問其家所欲爲集鑑皆無爲字集
原注云蘇本有爲字其行臨事集鑑皆作其行已
臨事碑脫已字自摺紳處士集鑑俱作山林處士
集原注云山林一作摺紳銘詞與時偕逢集時作
世兒憐獸擾鑑同集作鬼隣獸擾茲惟難哉鑑惟
作爲其在終之渠鑑俱作在其終之至碑文之與
歐集文鑑大異者凡涉呂夷簡事碑皆刪之如知

饒州下集鑑皆有明年呂公亦罷公七字趙元昊
反河西下集鑑皆有上復召相呂公六字至今尤
多下集鑑皆云自公坐呂公貶羣士大夫各持二
公曲直呂公患之凡直公者皆指爲黨或坐竄逐
及呂公復相公亦再起被用於是二公驩然相約
戮力平賊天下之士皆以此多二公然朋黨之論
遂起而不能止上旣賢公可大用故卒置羣議而
用之凡九十一字此蓋碑文有意刪去者卽聞見
錄所謂文正子堯夫削去驩然戮力等語歐公不
樂之事也玩聞見錄語堯夫刪削歐公及見之然

朱子名臣言行錄載此一條未注碑字則朱子當時所見碑文此段又似未嘗刪也不然則朱子何不据他書而引碑文耶又或者朱子之世洛陽立碑之所已屬金土朱子不得見搨本仍据歐集所載之碑文耳且東都事略於文正傳亦節取此條卽宋史傳亦云夷簡再入相帝諭仲淹使釋前憾仲淹頓首謝曰臣鄉論蓋國家事於夷簡無憾也是文正之與呂相不協仁宗深知之此事可以不諱不知何以刪去實不能推原其故也其餘碑與諸書互有詳略之處無大關係亦可不辨歐公撰

文碑泐其結銜之後半故姓名不見書者王洙亦存系銜之前半而姓名尙見史傳稱旣葬帝親書其碑曰褒賢之碑今塌亦未見不知存佚何如也

柳子厚祠堂記

石橫廣三尺七寸高二尺七寸十三行行十字正書

子厚謫永十餘年永之山水亭榭題詠固多矣韓退之謂銜湘以南爲進士者皆以子厚爲師其經承子厚口講指畫爲文詞者悉有法度可觀今建州學成立子厚祠堂于學舍東偏錄在永所著詞章潦于堂壁俾學者朝夕見之其無思乎至和三年丙申二月二日尙書職

方員外郎知永州柳拱辰記

白水路記

摩崖高一丈七寸廣七尺二寸二

十六行行三十七字正書篆額

大宋興州新開白水路記

宣德郎守殿中丞知雅州軍州兼管內橋道勸農事
管勾駐泊及提舉黎州兵甲巡檢賊盜公事騎都尉
偕緋雷簡夫撰并書篆額

至和元季冬利州路轉運使主客郎中李虞卿以蜀道
青泥嶺舊路高峻請開白水路自鳳州河池驛至口州
長舉驛五十一里有半以便公私之行具
上未

報卽預畫材費以待其

可明奉存口興州巡轄

馬遞鋪殿直喬達領橋關并郵兵五百餘人因山伐木積于路處遂籍其人用訖是役又請知興州軍州事虞部員外郎劉拱摠護督作一切仰給悉令爲具命簽署興州判官廳公事太子中舍李良祐權知長舉縣事順政縣令商應程度遠近按視險易同督斯衆知鳳州河池縣事殿中丞王令圖首建路議路占縣地且十五餘里部屬陝西卽移文令圖通幹其事至秋七月始

可其奏然八月行者已走新路矣十二月請功告畢作關道二千三百九間郵亭營屋編院三百八十三間

減舊路三十三里廢青泥一驛除郵兵驛馬一百五十
六人騎歲省驛粟鋪糧五千石畜草一萬圍放執事役
夫三十餘人路未成會 李遷東川路今 轉運

使工部郎中集賢校理田諒至審其績狀可成故喜猶
已出事益不懈於是斯役實肇於李而遂成於田也嘉
祐二季三月田以狀 上且曰虞卿以至和二季

仲春興是役仲夏移去其經營建樹之狀本與令圖同
臣雖承乏在臣何力願 朝廷旌虞卿令圖之

勞用勸來者又拱之勅役應用良祐應之按視修創達
之採造監領皆有著効亦乞陞擢至于軍士什長而下

並望賜與以慰遠心

朝廷議依其請初景德

元季嘗通此路未幾而復廢者蓋青泥土豪輩唧唧巧語以疑行路且驛廢則客邸酒壚爲棄物矣浮食游手安所仰邪小人居嘗爭半分之利或睚眦抵死况坐要路無有在我遲行人一切之急射一日十倍之資願肯默默邪造作百端理當然爾嚮使愚者不怖其誕說賢者不惑其風聞則斯路初亦不廢也大抵蜀道之難自曾以青泥嶺稱首一旦避險卽安寬民省費斯利害斷然易曉烏用聽其悠悠之談邪而後之人見已成之易不念始成之難苟念其難則斯路永期不廢矣簡夫之

文雖磨崖鏤石亦恐不足其傳□□于尙書職方之籍之圖則將久其傳也嘉祐二年二月六日記

前利州路諸州水陸計度轉運使兼本路勸農使朝奉郎守尙書主客郎中上輕車都尉賜紫金魚袋李虞卿

利州路諸州水陸計度轉運使兼本路勸農使朝奉郎守尙書工部郎中充集賢校理輕車都尉賜緋魚袋僧紫田諒

案白水路因江爲名白水江水經注所稱濁水者是也青泥亦水名太平寰宇記有左溪水入嘉陵江者

卽是水經注漢水又東南于槃頭郡南與濁水合水
出濁城東流與丁令溪水會又東逕武街城南故下
辨縣治也又東宏休水注之又東逕白石縣南又東
南泥陽水注之又東南與仇鳩水合又東南與河池
水合又東南兩當水注之卽故道水又南注漢水

金石記

按白水之名始于漢有白水縣與葭萌縣同屬廣
漢郡歷三國至西魏皆因之隋唐改爲景谷縣五
代縣廢惟葭萌存宋時屬利州路此名白水路者
或亦因其舊縣而稱之也其路起于鳳州河池縣

之河池驛北宋時屬陝西與秦州同路故開路須
移文通幹之也開路至五十餘里作閣道亭屋至
二千六百餘間其功偉矣自陝入蜀棧道之首途
雷簡天此文可與漢之鄒君開通褒斜道魏之李
苞通閣道題名並垂不朽文紀李虞卿田諒諸人
之功而李田二人史無傳雷簡夫傳但載其知雅
州其於開路之事非其所專故亦不書墨池編稱
簡夫善真行書守雅州聞江聲以悟筆法迹甚峻
快蜀中珍之然不言其工篆書據此碑則兼及篆
額也其聞江聲事詳見書史會要云近刺雅安書

卧郡閒因聞平羌江瀑漲聲想其波濤番番迅駛
掀搯高下感逐奔去之狀無物可寄其情遽起作
書則中心之想出筆下矣云云而獨不言其嘗書
此碑可知此碑之不傳于世久矣

文潞公宿少林寺詩

石高一尺二寸橫廣一尺二寸五分詩共六行行十
三字畏人并立石別人共四行字數不等行書在嵩
山少林寺

宿少林寺

保平軍節度使同中書門下平章事判大名府兼北
京留守司事潞國公文彥博

六六仙峯繞佛居俗塵至此暫銷除西來未悟禪師意

北去還馳使者車

予方受
移守

命北都

五品封槐今尙在九年

面辟昔何如心知一宿猶難覺花藏重尋貝葉書

嘉祐五年四月一日給事郎守太子中舍知河南府

登封縣兼管句崇福官事燕若拙立石

崇福宮副官主明教大師董道紳

掌文籍賜紫王崇祐同摸刊

按文氏停雲館帖載潞公書與此不似公爲有宋名
臣書史稱其筆勢清勁不愧古人此碑或立石時代

書數
說

右宿少林寺詩保平軍節度使同中書門下平章事
判大名府兼北京留守司事潞國公文彥博所作保
平陝州軍額太平興國中賜名也潞公嘉祐三年罷
政以河陽三城節度使平章事判河南府後改保平
軍節度判大名府詩有西來未悟禪師意北去還馳
使者車之句自注予方受命移守北都蓋移守之命
已下而未離河南也宋之盛時大臣進退以禮潞公
以故相在外而恩遇不替無憂譏畏讖之心又州郡
守臣更代之際登臨山水觴咏如平日蓋上之察吏
不苛以簿書期會之細而事亦未嘗叢勝而不治真

可謂太平之象矣

潘研堂金石文跋尾

萬安橋記

碑高廣皆一丈一尺三寸許十二行行十三字正書在泉州府

泉州萬安渡石橋始造於皇祐五年四月庚寅以嘉祐四年十二月辛未訖功塗趾于淵醜水爲四十七道梁空以行其長三千六百尺廣丈有五尺翼以扶欄如其長之數而兩之靡金錢一千四百萬求諸施者渡實支海去舟而徒易危而安民莫不利職其事盧錫王是許忠浮圖義波宗善等十有五人旣成大守蒲陽蔡襄爲之合樂讌飲而落之明年秋蒙

召還京道繇是

出因紀所作勒于岸左

萬安天下第一橋君謨此書雄偉道麗當與橋爭勝

結法全自顏平原來惟策法用虞永興耳畫錦堂差

近之荔枝茶譜不足道也

舟州山人業

君謨此記原係兩石嘉靖中遭倭患燬其半土人取

舊本摹補之前一片仍舊刻也

書畫跋

鄭杓子經著衍極取古今十三人謂公書起五季之

衰萬安爲摩崖之苗裔可謂確論蓋大書不難于矩

矚而難于得天真趣多今以此觀之只似作蠅頭小

楷此固其過人者

蒼淵軒帖跋

按福建通志萬安橋在泉州府城東北亦名洛陽橋皇祐五年郡守蔡襄建襄自爲記手書勒石橋下卽謂此碑也史傳蔡襄字君謨興化仙遊人仁宗朝累以樞密直學士再知福州徙知泉州距州二十里萬安渡絕海而濟往來畏其險襄立石爲梁其長三百丈種蠣于礎以爲固至今賴焉名爲翰林學士此記云明年秋蒙召還京蓋卽名爲學士時也墨池編稱君謨真行草皆優入妙品篤好博學冠絕一時周必大平園集稱蔡忠惠公大字端重沈著宜爲本朝法書第一洛陽橋記與吐谷

渾詞皆大書之冠冕也然則萬安橋當南宋時已
有洛陽之稱但不知何所取義而名洛陽未有人
論及者

祈真巖題名五段

石橫廣四尺高二尺九
行行七字左行正書

天章閣待制新知襄州劉元瑜君玉殿中丞知弋陽縣
高思永延之贊善大夫知貴谿縣李孝傑才孺同遊昭
真觀王先生巖嘉祐庚子歲暑七月才孺誌

又二行行十二字正書
刻在前題名之右

提舉常平何琬貴溪令馬持國熙寧丙辰九月廿九日

同游

又石橫廣五尺二寸五分高二尺
九寸七分十行行六字正書

宣和五年四月四日來訪招真之館峭壁四立巉巖中
虛羽人之所棲託清塵外思致遐想倦人王儵之高風
低回留之不能去遂寓書于崖壁豫章洪口記

又石橫廣三尺八寸四分高一尺
九寸三分七行行四字正書

嘉泰改元五月既望臨川王松年同建安熊仲機叔席
來遊克勤侍行

又石橫廣六尺四寸七分高一尺九寸五分前所
真巖三大字正書後有題名五行行五字隸書

祈真巖

宋淳祐丁未魏人余鍊涂直諒約邑人潛增發鐘口應
茂學來游

金石萃編卷一百三十四終